

OKTOBARSKI MJESEC KNJIGE I MEĐUNARODNI DAN ŠKOLSKIH BIBLIOTEKA

U školskoj biblioteci OŠ „Velešićki heroji“, 16. i 17. 10. 2025. godine, realizovan je ciklus integrisanih bibliopedagoških aktivnosti i radionica za učenike/ice od I do IV razreda, koje je koncipirala i realizirala školska bibliotekarka Saliha Kaliman. Program je bio usmjeren na ostvarivanje ključnih ishoda učenja: razvoj čitalačke i informacijske pismenosti, predčitalačkih kompetencija, istraživačkih sposobnosti, kritičkog mišljenja, stvaralačke maštovitosti, odgovornog, refleksivnog i etičkog odnosa prema knjizi, ekološke proaktivne pismenosti, osposobljavanje učenika/ica za interdisciplinarno iskustveno učenje i integraciju znanja iz različitih oblasti te razvijanje funkcionalnog znanja kroz vođeno problemsko rješavanje.

U okviru programa realizovane su doživljajne i senzorne, dramsko-pokretne, književno-čitalačke i istraživačko-problemske aktivnosti: „Probudi se, šumo“, „Zvukovi šume“, „Drvo zove upomoć“, „Posljednje drvo u šumi“, „Kostimirano pripovijedanje i čitanje slikovnice Bor (Lisen Adbåge)“, „Knjiga u šumi, šuma u kutiji“, „Čuvari/ce šume i čuvari/ce knjiga“, projekcije: „Timber“ (Nils Hedinger) i „Budi zahvalan za drveće“ (Harriet Ziefert i Brian Fitzgerald), te kreativne radionice izrade eko-bookmarka.

